

通志

欽定四庫全書薈要

吉林出版集團有限公司
海 天 出 版 社

欽定四庫全書薈要

史部
別史類

吉林出版集團有限責任公司
海天出版社

目次

書名卷次頁次作者

通誌卷一百五十卷一五—卷一六四二二—二一—宋·鄭樵撰

卷一百五十

楊播 王肅 劉芳 常爽 郭祚 張藝
邢巒 李崇 崔光 崔亮 裴叔業 夏侯
道遷 李元護 席法友 王世弼 江悅之
淳于誕 張讜 李苗 劉澡 傅永 傅
堅眼 張烈 李叔彪 路侍慶 房亮 曹
世表 潘永基 朱元旭 蘇亮 魏子建
魏釗 魏季景

卷一五一

孫紹 張普惠 成淹 范紹 劉桃符 鹿
愈 張燿 劉道斌 董紹 馮元興 袁翻
陽尼 賈思伯 祖瑩 爾朱榮 朱瑞
叱列延慶 斛斯椿 賈顯度 樊子鵠 侯
深 賀拔允 侯莫陳悅 念賢 梁覽 雷
紹 毛遐 乙弗朗 辛雄 楊機 高恭
綦儁 山偉 宇文忠之 費穆孟威

卷一五二

二二—二一—四六

二二—一八五

書名	卷次	頁次	作者
北齊 萬俟普 可朱渾元 劉豐 破六韓 常 金祚 劉貴 蔡儁 韓賢 尉長命 王懷 任祥 莫多婁貸文 庫狄迴洛 庫 狄盛 張保洛 侯莫陳相 薛孤延 斛律 羌舉 張瓊 宋顯 王則 慕容紹宗 叱 列平 步大汗薩 薛脩義 慕容儼 高乾 潘樂 寶泰 尉景 婁昭 庫狄干 韓軌 段榮 斛律金 彭樂 暴顯 皮景和 綦 連猛 元景安 獨孤永業 鮮于世榮 傅 伏 卷一五三 封隆之 李元恕 崔暹 崔陵 孫騰 高 隆之 司馬子如 薛琬 楊愔 陽休之 李稚廉 王昕 崔昂 崔季舒 高德正 尉瑾 卷一五四 孫搴 陳元康 杜弼 房謨 張纂 張亮 張曜 王峻 王紘 敬顯儁 平鑒 唐 邕 白建 元文遙 趙彥深 祖珽 赫連 子悅 馮子棕 幸術 裴讓之 崔劼 崔 肇師 盧潛 盧詢祖 崔子樞 卷一五五		二二二——二八八 二二二——二三五 二二二——二六九	

書名	卷次	頁次	作者
邢邵 魏收 魏長賢 魏蘭根 刁柔 王松年 陸父 張晏之 羊烈 鄭述祖 袁聿修 盧叔彪 源彪 許惇 宋世軌 李庶 李公緒 裴澤 卷一五六 後周 賀拔勝 寇洛 趙貴 李賢 梁禦 李弼 于謹 宇文貴 侯莫陳崇 王雄 王盟 獨孤信 寶熾 賀蘭祥 叱列伏 龜 閭慶 史寧 權景宣 王熙 王思政 尉遲迴 王軌 樂運 卷一五七 陸騰 周惠達 馮景 蘇綽 盧辯 韋孝寬 韋瑱 柳蚪 寇儁 長孫儉 長孫紹遠 盧柔 裴俠 裴寬 裴果 裴文舉 崔猷 崔士謙 李昶 鄭道邕 鄭偉 司馬裔 司馬消難 薛端 薛善 薛真 薛澄 卷一五八 達奚武 若干惠 怡峰 劉亮 王德 赫連達 韓果 蔡祐 常善 辛威 庫狄昌 梁椿 梁臺 田弘 王傑 王勇 宇文蚪 耿豪 高琳 李和 伊婁穆 達奚寔 劉雄 侯植 李延孫 韋祐 陳欣 魏元 泉仝 李遷哲 楊乾運 扶猛 陽雄		二二一—二九四 二二一—三四九 二二一—四〇三	

書名	卷次	頁次	作者
席固 任果 崔彥穆 楊纂 段永 令狐整 唐永 柳敏 王士良 郭賢 楊寬 卷一五九 豆盧寧 楊紹 王雅 韓雄 賀若敦 申徽 陸通 庫狄峙 楊薦 王慶 趙剛 趙昶 王悅 趙文表 元定 楊擲 韓褒 趙肅 張軌 李彥 郭彥 梁昕 皇甫璠 辛慶之 王子直 杜杲 呂思禮 徐招 檀翥 孟信 宗懷 劉璠 柳遐 斛斯徵 卷一六〇 隋 高頻 牛弘 李德林 楊素 蘇威 韓禽虎 賀若弼 李穆 梁睿 長孫覽 卷一六一 于仲文 宇文忻 豆盧勣 楊文恩 楊雄 史祥 王世積 李徹 侯莫陳穎 李子雄 爾朱敞 慕容三藏 寶榮定 梁士彥 元諧 虞慶則 元胄 達奚長儒 賀婁子幹 史萬歲 劉方 杜彥 周搖 獨孤楷 乞伏慧 張威 和洪 陰壽 楊義臣 皇甫誕 裴矩 裴仁基 斛斯政		二三一—四三五 二三一—四六八 二三一—五一八	

書名卷次頁次作者

卷一六二

劉昉 鄭譚 柳裘 皇甫績 郭衍 張衡
楊汪 裴蘊 袁充 王劭 李雄 趙靈
暕 趙芬 王韶 元巖 宇文弼 伊婁謙
李圓通 郭榮 龐晃 李安 楊尚希
張暉 蘇孝慈 元壽 韋世康 韋師 柳
機 陸彥師 魏澹

卷一六三

段文振 來護兒 樊子蓋 周羅喉 周法
尚 衛元 劉權 李景 薛世雄 裴政
李諤 鮑宏 高構 陸知命 杜整 梁毗
柳彧 趙綽 榮毗 劉行本 閻毗 郎
茂 柳莊 李孝貞 杜臺卿 崔曠 陸爽
崔仲方 崔彭 辛德源 杜正元 柳昂
張乾威 李駒駭

卷一六四

盧賁 薛道衡 房彥謙 盧思道 盧愷
王誼 長孫平 源師 薛胄 令狐熙 裴
肅 張定和 張齋 麥錢杖 權武 王仁
恭 吐萬緒 董純 魚俱羅 王辯 陳稜
趙才 宇文述 李密 王世充 段達

二二一—五五八

二二一—五九八

二二一—六三六

欽定四庫全書薈要

史部
通志卷一百五十上

詳校官員外郎臣楊世綸

欽定四庫全書薈要卷九千六十七

史部

通志卷一百五十上

宋右廸功郎鄭樵漁仲撰

傳第六十三上

魏

楊播子侃 播弟椿 椿子逸 王肅 行 子誦 劉芳

子騰子騰 芳從子懋 廠 常爽 孫 郭祚 子景 張彝 子始

仲邢巒 子遜 巒弟晏 祐從子蚪 李崇 子世哲 崇

欽定四庫全書

通志
卷一百五十上

從弟平平子獎 崔光 光子勵 光弟敬 崔亮 從

獎子構獎弟諧 崔光 友 敬友弟子鴻 崔亮 弟

光韶光韶弟光 裴叔業 兄子植 植弟颺 颺

伯從祖道固 裴叔業 弟瑜 瑜弟繁 繁弟

行夏侯道遷 子 李元護 席法友 王世弼 江

悅之淳于誕 張謹 李苗 劉藻 傅永

傅豎眼伯父靈慶 靈根 父 張烈 弟僧 李叔彪

述子述 路恃慶 房亮 曹世表 潘永基 朱

元旭蘇亮 弟 魏子建 魏釗 子 魏季景

楊播字延慶弘農華陰人也高祖結仕慕容氏位中山

相曾祖珍道武時歸國位上谷太守祖真河內清河二郡太守父懿延興末為廣平太守有稱績孝文南巡吏民頌之徵為選部給事中有公平譽除安南將軍洛州刺史未之任卒贈本官加弘農公謚曰簡播本字元休孝文賜改焉母王氏文明太后之外姑播少修飭奉養盡禮擢為中散累遷衛尉少卿與陽平王頤等出漠北擊蠕蠕大致克獲遷武衛將軍復征蠕蠕至居然山而還及車駕南討假前將軍從至鍾離師廻詔播為圓陳

欽定四庫全書

通志
卷一百五十五

二

禦之相拒再宿軍人食盡賊圍更急播乃領精騎三百歷其船大呼曰我今欲度能戰者出遂擁而濟賊莫敢動賜爵華陰子後從駕討破崔慧景蕭衍於鄧城進號平東將軍時車駕耀威城汙水上已設宴帝與中軍彭城王勰賭射左衛元遙在勰朋內而播居帝曹遙射侯正中籌限已滿帝曰左衛籌足右衛不得不解對曰仰恃聖恩庶幾心爭於是箭中正帝笑曰雖養由之妙何復過是遂舉卮以賜播曰古人酒以養病朕今賞卿之

欽定四庫全書

通志
卷一百五十五

三

能可謂古今殊也除太府卿進爵為伯後為華州刺史至州借人田為御史王基所劾除官爵卒于家子侃等停柩不葬披訴積年至熙平中乃贈鎮西將軍雍州刺史并復其爵謚曰壯侃字士業頗愛琴書尤好計畫時播一門貴滿朝廷子姪早通而侃獨不交遊公卿罕有識者親朋勸其出仕侃曰苟有良田何憂晚歲但恨無才具耳年三十一襲爵華陰伯揚州刺史長孫承業請為錄事參軍梁豫州刺史裴邃規相掩襲密購壽春人李瓜花素建等令為內應邃已募勒兵士慮壽春疑覺遂謬移云魏始於馬頭置戍如聞復欲修白捺舊城若爾便稍相侵逼此亦須營歐陽設交境之備今版卒已集唯聽信還佐寮咸欲以實答之云無修白捺意而侃曰白捺小城本非形勝邃集兵遣移虛構是言得無有別圖也承業乃云錄事可造移報移曰彼之纂兵想別有意何為妄構白捺他人有心予忖度之勿謂秦無人也邃得移謂已覺便散兵瓜花等以期契不會便相告

發伏辜者十數家遂後竟襲壽春入羅城而退遂列營於黎漿梁城日夕鈔掠承業乃奏侃為統軍後雍州刺史蕭寶夤據州反承業討之除侃為承業行臺左丞軍次恒農侃白承業曰今賊守潼關全據形勝須北取蒲坂飛棹西岸置兵死地人有鬪心華州之圍可不戰而解潼關之賊必望風潰散諸處既平長安自克愚計可錄請為明公前驅承業從之令其子子產等領騎與侃於恒農北度便據石錐壁乃班告曰今且停軍於此以待步卒兼觀人情向背若送降名者各自還村候臺軍舉三烽火各亦應之以明降款其無應烽火即是不降之村理須殄戮人遂傳相告報實未降者亦詐舉烽火宿之間火光徧數百里內圍城之寇不測所以各自散歸長安平侃頗有力焉建義初除岐州刺史屬元顥內逼詔行北中郎將孝莊徙河北執侃手曰朕停卿蕃寄移任此者正為今日但卿尊卑百口若隨朕行所累處大卿可還洛寄之後圖侃曰寧可以臣微族頓廢君臣之

義固求陪從除度支尚書兼給事黃門侍郎數西縣公及車駕南還顥令梁將陳慶之守北中城自據南岸有夏州義士為顥守河中渚乃密信通款求破橋立効爾朱榮赴之及橋破應接不果皆為顥屠榮將為遷計欲更圖後事侃曰若今即還人情失望未若召發人材唯多縛筏間以舟楫沿河廣布令數百里中皆為度勢顥知防何處一旦得度必立大功榮大笑從之於是爾朱兆等於馬渚諸楊南度顥便南走車駕入都侃解尚書正黃門以濟河之功進爵濟北郡公復除其長子師仲為祕書郎時所用錢人多私鑄稍就薄小乃至風飄水浮米斗幾直一千侃奏聽人與官並鑄五銖使人樂為而俗弊得改莊帝從之後除侍中加衛將軍右光祿大夫莊帝將圖爾朱榮侃與內弟李晞城陽王徽侍中李或等咸預其謀爾朱兆入洛侃時休沐遂竄歸華陰普泰初天光在關西遣侃子婦父韋義遠招慰之立盟許恕其罪侃兄昱恐為家禍令侃出應假其食言不過一

人身沒冀全百口侃赴之為天光所害太昌初贈車騎將軍儀同三司幽州刺史子純陀襲播弟椿字延壽本字伯考孝文賜改焉性寬謹為內給事與兄播並侍禁闈後為中部法曹折訟公正孝文嘉之及文明太后崩孝文五日不食椿諫曰聖人之禮毀不滅性縱陛下自賢於萬代其若宗廟何帝感其言乃一進粥轉授宮興曹少卿加給事中出為豫州刺史再遷梁州刺史初武興王楊集始降於齊自漢中而北規復舊土椿貽書集始開以利害集始執書對使者曰楊使君此書除我心腹疾遂來降尋以母老解還後兼太僕卿秦州羌呂苟兒涇州屠各陳瞻等反詔椿為別將隸安西將軍元麗討之賊守峽自固或謀伏兵斷其出入待糧盡攻之或云斬山木縱火焚之椿曰並非計也賊深竄正避死耳今宜勒三軍勿更侵掠賊必謂見嶮不前心輕我軍然後掩其不備可一舉而平乃緩師賊果出掠仍以軍中驢馬餌之銜枚夜襲斬瞻傳首轉正太僕卿初獻文世

欽定四庫全書

通志
卷一百五十一

六

有蠕蠕萬餘戶降附居於高平薄骨律二鎮太和末叛走唯有一千餘家太中大夫王通高平鎮將郎首等求徙置淮北防其後叛詔椿徙焉椿上書以為裔不謀夏夷不亂華是以先朝居之荒服之間正欲悅近來遠今新附者眾若舊者見徙新者必不安愚謂不可時八坐不從遂於濟州綠河居之及冀州元愉之難果悉浮河赴賊所在鈔掠如椿所策後除朔州刺史在州為廷尉奏椿前為太僕卿招引百姓盜種牧田三百四十頃依律處刑五歲尚書邢巒據正始別格奏罪應除名注籍盜門同籍合門不仕宣武以新律既班不宜雜用舊制詔依斷以贖論後除定州刺史自道武平中山多置軍府以相威攝凡有八軍軍各配兵五千食祿主帥軍各四十六人自中原稍定八軍之兵漸割南戍一軍兵財千餘然主帥如故費祿不少椿表罷四軍減其主帥百八十四人椿在州因修黑山道餘功伐木私造佛寺役兵為御史所劾除名後累遷為雍州刺史進號車騎大

欽定四庫全書

通志
卷一百五十一

七

將軍儀同三司尋以本官加侍中兼尚書右僕射為行臺節度關西諸將遇暴疾頻啟乞解詔許之以蕭寶夤代為刺史行臺椿還鄉里遇子昱將還京師使陳寶夤賞罰云為不依常憲恐有異心昱還面啟明帝及靈太后並不納及寶夤邀害御史中尉酈道元猶上表自理稱為椿父子所謗建義元年為司徒永安初進位太保加侍中給後部鼓吹元顥入洛椿子昱為顥所擒又椿弟順順子仲宣兄子侃弟子遁並從駕河內為顥嫌疑以椿家世顯重恐失人望未及加罪時人助其憂或勸椿攜家避禍椿曰吾內外百口何處逃竄正當坐任運耳莊帝還宮椿上書頻請歸老詔聽服侍中服賜朝服一襲八尺牀帳几杖不朝乘安車駕駟馬給扶傳詔二人仰所在郡縣四時以禮存問安否椿奉辭於華林園帝下御座執手流涕曰公先帝舊臣實為元老但高尚其志決意不留既難相違深用悽切椿亦歔歔欲拜帝親執不聽賜以絹布給羽林衛送羣公百僚餞於城西

張方橋行路觀者莫不稱歎椿臨行誠子孫曰我家入魏之始即為上客自爾至今二千石方伯不絕祿卹甚多於姻親知故吉凶之際必厚加贈襚來往賓僚必以酒肉飲食故六姻朋友無憾焉國家初丈夫好服綠色吾雖不記上谷翁時事然記清河翁時服飾恒見翁著布衣韋帶常自約勅諸父曰汝等後世若富貴於今日者慎勿積金一斤綵帛百疋已上用為富也不聽興生求利又不聽與勢家作婚姻至吾兄弟不能遵奉今汝等服乘漸華好吾是以知恭儉之德漸不如上也又吾兄弟若在家必同盤而食若有近行不至必待其還亦有過中不食忍飢相待吾兄弟八人今存者有三是故不忍別食也又願畢吾兄弟不異居異財汝等眼見非為虛假如聞汝等兄弟時有別齋獨食者此又不如吾一等世也吾今日不為貧賤然居住舍宅不作壯麗華飾者正慮汝等後世不賢不能保守之將為勢家所奪北都時朝法嚴急太和初吾兄弟三人並居內職兄在

高祖左右吾與津在文明太后左右于時口勅責諸內官十日仰密得一事不列便大嗔嫌諸人多有依勅密列者亦有太后高祖中間傳言構間者吾兄弟自相誠曰今忝二聖近臣居子母間難宜深慎之又列人事亦何容易縱被嗔責勿輕言十餘年中不嘗言一人罪過時大被嫌責答曰臣等非不聞人語正恐不審仰誤聖聽以是不敢言於後終以不言蒙責及二聖間言語終不敢輒爾傳通太和二十一年吾從濟州來朝在清徽堂豫宴高祖謂諸貴曰北京之日太后嚴明吾每得杖左右因此有是非言和朕母子者唯楊播兄弟遂舉爵賜兄及我酒汝等脫若萬一蒙明主知遇宜深慎言語不可輕論人惡也吾自惟文武才藝門望姻援不勝他人一旦位登侍中尚書四歷九卿十為刺史光祿大夫儀同開府司徒太保津今復為司空者正由忠謹慎口不常論人之過無貴無賤待之以禮以是故至此耳聞汝等學時俗人乃有坐待客者有驅馳勢門者有輕論

欽定四庫全書

通志 卷一百五十五

十一

人惡者及見貴勝則敬重之見貧賤則慢易之此人行之大失立身之大病也汝家仕皇魏以來高祖以下乃有七郡太守三十二州刺史內外顯職時流少比汝等若能存禮節不為奢淫憍慢假不勝人足免尤誚足成名家吾今年始七十五自惟氣力尚堪朝覲天子所以孜孜求退者正欲使汝等知天下滿足之義為一門法耳非是苟求千載之名汝等能記吾言吾百年後終無恨矣椿還華陰踰年為爾朱天光所害時人莫不怨痛之太昌初贈太師丞相都督冀州刺史子昱字元略起家廣平王懷左常侍懷好武事數遊獵昱每規諫正始中以京兆廣平二王國臣多縱恣詔御史中尉崔亮窮案之伏法都市者三十餘人不死者悉除名唯昱與博陵崔楷以忠諫免後除太學博士員外散騎侍郎初尚書令王肅除揚州刺史出頓洛陽東亭酣後廣陽王嘉北海王詳等與播論議競理播不為屈北海王顧昱曰尊伯性剛不伏理大不如尊使君也昱對曰昱父道隆

欽定四庫全書

通志 卷一百五十五

十一

則從其隆道洵則從其洵伯父剛則不吐柔亦不如一坐嘆其能言肅曰非此郎何得申二父之美延昌三年以本官帶詹事丞時明帝在懷抱中至於出入左右乳母而已不令宮寮聞知昱諫曰陛下不以臣等凡賤備位宮臣太子動止宜令翼從自比以來輕爾出入進無二傳導引之美退闕羣寮陪侍之式非所謂示人軌儀著君臣之義陛下若召太子必降手勅令羣臣咸知為後世法於是詔自今若非手勅勿令兒輒出宮臣在直者從至萬歲門轉太尉掾兼中書舍人靈太后常謂昱曰親姻在外不稱人心卿有所聞慎勿諱隱昱奏揚州刺史李崇五車載貨恒州刺史楊鈞造銀食器十具並餉領軍元義靈太后令召义夫妻泣而責之又深恨昱昱第六叔舒妻武昌王和之妹和即义之從祖父舒早喪有一男六女及終喪元氏請別居昱父椿集親姻泣謂曰我弟不幸早終今男未婚女未嫁何便求別居不聽遂懷憾神龜二年瀛州人劉宣明謀反事覺逃竄义

使和及元氏誣告昱藏宣明云昱父椿叔津並送甲仗三百具謀圖不逞义又構成其事乃遣夜圍昱宅收之並無所獲太后問狀昱具對元氏構釁之端言至哀切太后乃解昱縛和及元氏並處死刑而又相左右和直免官元氏卒亦不坐及义之廢太后也乃出昱為濟陰内史中山王熙起兵於鄴义遣黃門盧同詣鄴刑熙并窮黨與同希义旨就郡鎖昱赴鄴囚訊百日乃還任孝昌初除中書侍郎後賊圍幽州詔昱兼侍中持節催西北道大都督北海王顥仍隨軍監察幽州圍解雍州蜀賊張映龍姜神達知州内虛謀欲攻掩刺史元修義懼而請援一日一夜書移九通都督李叔仁遲疑不赴昱曰若長安不守大軍自然瓦解此軍雖往有何益也遂與叔仁等俱進於陣斬神達諸賊迸散詔以昱受旨催督而顥軍稽緩遂免昱官尋除涇州刺史未幾昱父椿為雍州徵昱為吏部郎中及蕭寶夤等敗於關中以昱兼七兵尚書持節假撫軍都督防守雍州昱遇賊失利

而返後除鎮東將軍假車騎將軍東南道都督又加散騎常侍於後泰山太守羊侃據郡南叛侃兄深時為徐州行臺府州咸欲禁深昱曰昔叔向不以鮒也見廢奈何以侃罪深宜聽朝旨不許羣議還朝朱幾元顥侵逼大梁除昱南道大都督鎮滎陽顥禽濟陰王暉業乘虛徑進城陷昱與弟息五人在門樓上顥至執昱下責曰卿今死甘心不答曰分不望生向所以不下樓正慮亂兵耳但恨八十老父無人供養乞小弟一命便是死不朽也顥將陳慶之胡光等伏顥帳前曰陛下度江三千里無遺鏃費昨日殺傷五百餘人求乞揚昱以快意顥曰我在江東聞梁主言初下都表昂為吳郡不降稱其忠節奈何殺昱於是斬昱下統帥三十七人皆令蜀兵剗腹取心食之孝莊還復前官爾朱榮之死昱為東道行臺拒爾朱仲遠會爾朱兆入洛昱還京師後歸鄉里亦為天光所害太昌初贈司空公定州刺史子孝邕員外郎奔免匿蠻中潛結渠帥謀報爾朱氏微服入洛為

欽定四庫全書

通志
卷一百五十五上

十四

爾朱世隆所殺椿弟穎字惠哲本州別駕穎弟順字延和寬裕謹厚豫立莊帝功封三門縣伯位冀州刺史罷州還遇害太昌初贈太尉公錄尚書事相州刺史子辯字僧達位東雍州刺史辯弟仲宣有風度才學位正平太守爵恒農伯在郡有能名還京兄弟與父同遇害太昌初辯贈儀同三司恒州刺史仲宣贈尚書右僕射青州刺史仲宣子元就幼有儁材收捕時年九歲牽挽兵人曰欲害諸尊乞先就死兵人以刀斫斷其臂猶請死不止遂先殺之永熙初贈汝陰太守順弟津字羅漢本字延祚孝文賜改焉少端謹以器度見稱年十一除侍御中散時孝文幼冲文明太后臨朝津曾入侍左右忽欬逆失聲遂吐血數升藏之衣袖太后聞聲閱而不見問其故具以實告遂以敬慎見知賜縑百匹遷符璽郎中津以身在禁密不外交遊至宗族姻表罕相參候司徒馮誕與津少結交友而津見其貴寵每恒退避及相招命多辭疾不往誕以為恨而津逾遠焉人或謂之曰

欽定四庫全書

通志
卷一百五十五上

十五

司徒君之少舊何自外也津曰為勢家所厚復何容易但全吾今日亦足矣轉振威將軍領監曹奏事令孝文南征以津為都督征南府長史後遷長水校尉仍直閤景明中宣武遊北芒津時陪從太尉咸陽王禧謀反帝馳入華林時直閤中有同禧謀皆在從限及禧平帝顧謂朝臣曰直閤半為逆黨非至忠者安能不豫此謀因拜津左右中郎將遷驍騎將軍仍直閤出除岐州刺史津巨細躬親孜孜不倦有武功人齎絹三疋去城十里為賊所劫時有使者馳駟而至被劫人因以告之使者到州以狀白津津乃下教云有人著某色衣乘某色馬在城東十里被殺不知姓名若有人家可速收視有一老母行哭而出云是已子於是遣騎追收并絹俱獲自是闔境畏服至於守令寮佐有濁貨者未曾言其罪常以私書切責之於是官屬感厲莫有犯法者以母憂去職延昌末起為華州刺史與兄播前後牧本州當世榮之先是受調絹度尺特長在事因緣共相進退百姓

苦之津乃令依公尺度其輸物尤好者賜以杯酒而出其所輸少劣者為受之但無酒以示其恥於是競相勸勵官調更勝孝昌中北鎮擾亂侵逼舊京乃加津安北將軍北道大都督尋轉左衛加撫軍將軍津始受命出據靈丘而賊帥鮮于修禮起於博陵定州危急遂回師南赴始至城下營壘未立而州軍新敗津以賊既乘勝士眾勞疲柵壘未安不可擬敵欲移軍入城更圖後舉刺史元固稱賊既逼城不可示弱乃閉門不納津揮刀欲斬門者軍乃得入賊果夜至見柵空而去其後賊攻州城東面已入羅城刺史閉小城東門城中騷擾津開門出戰賊退人心少安尋除定州刺史又兼吏部尚書北道行臺初津兄椿得罪此州由鉅鹿人趙畧投書所致及津至畧舉家逃走津乃下教慰喻令其還業於是闔州愧服遠近稱之時賊帥鮮于修禮杜洛周殘掠州境孤城獨立在兩寇之間津修理戰具更營雉堞又於城中去城十步掘地至泉廣作地道潛兵隱出置爐鑄

鐵持以灌賊賊遂相告曰不畏利禦堅城唯畏揚公鐵

星津與賊帥元洪業書喻之并授鐵券許之爵位令圖

賊帥毛普賢洪業等感寤復書云欲殺普賢又云賊欲

圍城正為取北人城中所有北人必須盡殺津以城內

北人雖是惡黨然掌握中物未忍便殺但收內子城防

禁而已將吏無不感其仁恕朝廷初送鐵券二十枚委

津分結津隨賊中首領間行送之修禮普賢頗亦由此

而死既而杜洛周圍州城津盡力捍守詔加衛將軍將

欽定四庫全書

通志

卷一百五十五上

六

士有功者任津科賞兵人給復八年葛榮以司徒說津

津大怒斬其使以絕之自受攻圍經歷三稔朝廷不能

拯赴乃遣長子遁突圍出詣蠕蠕主阿那瓌令其討賊

遁日夜泣訴阿那瓌遣其從祖吐豆發率精騎南出前

鋒已達廣昌賊防塞隘口蠕蠕遂還津長史李裔引賊

入津苦戰不敵遂見拘執洛周脫津衣服置地牢下數

日將烹之諸賊還相諫止遂得免害津曾與裔相見對

諸賊帥以大義責之辭淚俱發裔大慙典守者以告洛

周弗之責及葛榮併洛周復為榮所拘榮破始得還洛

永安二年兼吏部尚書元顥內逼莊帝將親出討以津

為中軍大都督兼領軍將軍未行顥入及顥敗津乃入

宿殿中掃洒宮掖遣第二子逸封閉府庫各令防守及

帝入也津迎於北芒流涕謝罪帝深嘉慰之尋以津為

司空加侍中爾朱榮死使津以本官為兼尚書令北道

大行臺都督并州刺史委以討胡經畧津馳至鄴將從

滏口而入遇爾朱兆等已克洛相州刺史李神等議欲

欽定四庫全書

通志

卷一百五十五上

十五

與津舉城通款津不從以子逸既為光州刺史兄子昱

時為東道行臺鳩率部曲在於梁沛津規欲東轉更為

方畧乃率輕騎望於濟州度河而爾朱仲遠已陷東郡

所圖不果遂還京師普泰元年亦遇害於洛太昌初贈

大將軍太傅都督雍州刺史諡曰孝穆將葬本鄉詔大

鴻臚持節監護喪事長子遁字山才其家貴顯諸子弱

冠咸縻王爵而遁性靜退年近三十方為鎮西府主簿

累遷尚書左丞金紫光祿大夫亦被害於洛太昌初贈